



17.

DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,*

CARDINALITIIS DISPUTATIONIBUS,
*manè discutienda in Scholis Medicorum, die Martis decimo-sexto mensis
Martii, anno Domini M. DCC. LXXIII.*

PRÆSIDE,

M. FRANCISCO-DAVID HERISSANT, Regiæ Scientiarum
Academiæ, Regiæque Societatis Londinensis Socio, Doctore Medico.

An Saccharum Alimentum?

I.



ITÆ viribus continuis magnisque dispendiis debilitatum hominis corpus, continuum requirit reparationem. Hinc nata alimenti necessitas; alimentum enim dicitur corpus nostræ substantiæ conservandæ, reparandæ & adaugendæ idoneum. Hinc & patet nutritionis beneficium: quæ juxta Galenum (a), est ejus quod nutrit, ad id quod nutritur assimilatio. Huic perficiendæ incalsum dicata fuissent innumera instrumenta; frustra nobis apponerentur

(a) Comment.
1. in lib. Hipp.
de alimento.

multiplicis speciei alimenta, nisi unicuique nostrum ingenuus foret illorum appetitus. Verum ut generis humani propagationi, sic & individui conservationi, prospexit naturæ Author. Sensationes homini custodes dedit. Ad cibum capiendum voluptas invitat quæ in gustu percipitur, cogit dolor qui fames vocatur. Quin & ventriculo famulantur cæteri sensus. Sic amœnus ciborum color, fragrans odor gratusque sapor torpentem excitant appetitum. Naturali igitur instinctu ducti, allecti cupidine & impulsu necessitate alimenta appetimus, sumimus, voramus: quò jucundiora, eò, ut plurimum, salubriora. Hinc dulcibus, infi-

* Auctore M. Stephano d'Huame, D. M. annò 1759.

2

pidive delectamur omnes nondum corrupti palato; omne etenim nutrit dulce vel insipidum.

I I.

(b) Hippoc.
lib. de alimento.

(c) Boerhav.
Inst. Med. num.
451.

(d) Quæst.
Med. P. 1751.
Præf. M. Theo-
doro Baron, An
salubritas ali-
mentorum opti-
ma indicatrix
Chemia. aff.

ALIMENTUM & alimenti species, unum & multæ (b): unum quidem quatenus genus nunc; Corpus mucosum vocant Chemicæ: Inodorum est, dulce vel insipidum, aquâ maximè solubile, eâque dissolutum ex naturâ suâ glutinosum, lentescens & viscidum evadit: albuminis ovi simillimum (c): in quo proinde ad sunt omnes conditiones, quæ in eo humore reperiuntur, undè certâ experimenti fide novimus solo incubatu pullum nutrirî & adaugeri: solum igitur ens verè plasticum. Digestionis ope ex alimentis extrahitur gluten illud alibile, levem prius in ventriculo fermentationem expertum. Iterato circulationis motu magis ac magis attenuatum, & ab admixtis heterogeneis corporibus, secretionum & excretionum ope expurgatum, fit tandem ros ille benignus, prædulcis, sui similis, & naturæ tenax assimilationi proximus; lympham animale vocant. Jam verò seorsim exploratum (d) mucosum corpus conflatum reperitur ex acido, oleo, aquâ terræque copiosâ, sed ita inter se mixtis, ut ex iis principiis nullum prædominium teneat, & ex iis componatur co pus omnium dulcissimum. Unicum est in rerum naturâ quod fermentationis motum experiatur; unde omnia vegetantia quæ fermentatione mutantur in liquorem spiritu ardente factum, vinum vulgò dictum, corpore illo turgida esse, proindeque nutriendi aptissima docent Chemicæ. Huic porro saccharum omnino simile, inodorum, dulce, aquâ solubile, quâ dissolutum exhibet pariter corpus ex naturâ suâ glutinosum, lentescens & viscidum: necnon & motu fermentationis in liquorem spiritu ardente factum mutatur. Hinc primum ab analogiâ mutuamur argumentum. Alterum nobis subministrat chemica analysis; illâ namque ex saccharo eadem educuntur principia, quæ ex melle, mannâ, gummi arabico, frumento & hordeo, aliisve innumeris corporibus nutritivis simili operatione obtinentur.

I I I.

(e) Essais sur
les alimens,
Paris 1757. t.
1, p. 107.

ALIMENTI species multæ: tot sunt quot in vegetantium & animalium regno numerantur individua; omnibus namque inest (e) generalis & una materies nutritiva quam corpus mucosum diximus. Neque ideo profunt cuncta, sed ea tantum quæ illud eminenter continent purum perfectumque. Mineralium classis alienum in animalium regno abundanti copiâ deprehenditur lymphæ vel gelatinæ nomine insignitum: ubi tamen à naturâ vegetabili paulò mutatum reperitur; licet enim prædulce semper & naturæ tenax; principia nihilominus habet magis attenuata*, atque insuper defecatissimum est: quamobrem homines nutrimentum perfectius ipsique

* Hinc ad putridam fermentationem maximè pronum, jam non amplius fermentationis spirituosæ capax; hinc propius ad alkaliam indolem vergens: unde analysi chemicâ alkali volatile copiosum educitur ex lymphâ animali, videlicet ovi albumine, cornu cervi &c. nullum verò sal acidum: dum è contrâ eadem operatione spiritus acidus stillat ex corpore mucoso vegetantium, nullum verò alkali volatile; neque tamen existit tale in lymphâ animali alkali volatile: Sed corporis mucosi principia divisa & attenuata, tum præviâ digestionis animalis fermentatione, cum repetitis inter circulandum vasorum col-

lisionibus, ad talem aggregationem ignis ope determinantur, ut ex acido, oleo & terrâ subtili maximè attenuatis & simul unitis exsurgat alkali volatile. Quidam & observantur in animalibus humores indolis utriusque vegetabilis & animalis participes, utpote nondum adhuc naturæ animalis perfectè assimilari: qui ideo distillatione exhibent & acidum sal & alkali volatile: sic chylus & chylosus humor lactis no mine donatus. Sic & pariter ex vegetantibus fermentationis spirituosæ producta præ attenuatione principiorum exhibent quoque sal acidum & alkali volatile: sic tartarum & feces vini.

magis analogum ex animalibus, imprimis herbivoris, sibi consulti paraverunt. Ast vegetantium classis primarium corporis mucosi formationis instrumentum est; ex quibus proinde maximā copiam obtinendum venit. Quod præ cæteris eminenter continent quam plurimæ Botanices familie. Sic illud reperire est in totâ filiquosarum plantarum familiâ, acerosis omnibus &c, in permultis fructibus, imprimis horæis & dulcibus. Sic & salubris cruciferarum familia alkali volatili turgida, simul & materiæ nutritivæ dives tota depascitur ab animalibus: dum è contrâ perfectior (f) hodiernum rubiacearum familia corpore mucoso fere destituta illis intacta remanet. Ad illam pertinent femina *coffi*, è quibus torrefactis fallacem sibi parant potum homines. inconsiderati; sed caveant, medicamentum enim, non verò alimentum est. Felices quibus delectabilior innoxia sacchari dulcedo quam ingrati potus amarities noxia. Nemo nescit graminearum familiam, ad quam pertinent omnia frumentacea, & animalibus & generi humano i. efficere alimentum. Sed character individui familiarum naturalium Botanices huic communi animantium nutrici annumerat arundinem sacchariferam *, unde vulgatum educitur saccharum. Vides igitur quàm amicè in unam propositionis nostræ veritatem conspiciunt analogia, Chémia & Botanices. Vides & etiam quàm rectè ex iis concludat ratiocinium.

(f) Perfectior Botanices Prof. Reg. M. Bernadus de Jusieu.

* Arundo saccharifera C. B. radix succulenta, crassa geniculata, calamus geniculatus. lavis, nitens ad octo vel novem pedum altitudinem assurgit; pollices duos, tres quatuorve crassus, cum medulla interiori, fungosa, succulentâ, dulci, albâ: folia ex quolibet intermedio promit longa & acuminata: in summo culmi vertice panicula spicata, flores staminis. Sponte nascitur in Indiâ, Canariis Insulis & calidis Americæ regionibus. Ex illâ per expressionem nostrum educunt saccharum, quod deinde per coctionem (addito lexivio alkalino) ab heterogeneis corporibus expurgatum distillat aquâ

I V.

QUOD si pro nobis etiam militet experientia, quid contra nos? Sed experientis nostram confirmare sententiam haud ardua res est. Homines quamplurimi multum sacchari comedunt. Mignates ferè omnes & illi quibus lauta parantur convivia saccharo tum in cibis condito, cum in liquoribus variis dissoluto utuntur copiosè; neque ullam ex eo percipiunt noxam. Quinimò observatum est sacchariphagos vulgò esse obesos sanamque & longævam degere vitam. Testes voco manes Angli perillustres Ducis de Beaufort. Septuagenarius febre obiit; per annos quadraginta sacchari librâ unam & amplius singulis diebus comedere solebat. Hujus aperto cadavere, viscera sana & illæsa reperta fuere; dentes firmi & integri. Britannus alter (g) centum annos vixit sanus ac vegetus, saccharo & melle delectabatur, & omnes cibos, carnes fructulve saccharo condire solebat. Ast in patris sacchari regionibus haud infrequentes sunt hujuscemodii observationes. Brasiliæ indigenæ robustissimi mortalium, qui frequenter septem pedum staturam attingunt, ante Europeorum adventum non magis centesimo anno decrepiti, quàm Europei quando sexagenarii sunt, vivebant femine Mais, saccharo, (h) aurantiis folis. Nigritæ fugitivi arundinibus sacchariferis vitam sustinent. Succum dulcem ore exprimunt, sic famem sitimque explentes. Ex his omnibus concludas saccharum homini sufficere alimentum aq̃ue salubre ac jucundum. Neque homini tantum; asserunt enim arundines sacchariferas contritas &

(g) Vid. Mar. med. M. Geoffroi, c. de saccharo.

(h) Piso hist. Briss. l. 1. p. 12. & 15.

4

jam expressas, tum & seculentam copiosamque spumam quæ à primâ sacchari coctione è cortinâ aufertur, pecoribus escam potumque suppeditare, eaque mirum in modum pinguefacere.

V.

IAM verò nostræ conclusioni apponendum est autoritatis sigillum. Si Hippocratem audiamus, omne dulce nutrit, melque optimum est alimentum. Ex dulcibus nutrimur, ait Galenus. Sed dulce gustu, dulce facultate saccharum; quòd juxta analysim chemicam ejusdem omnino naturæ est cum melle. Nicolaus l'iso Author Boerhaavio commendatus sic loquitur (i): saccharum rosatum utile phisicis: terget saccharo & rosarum amatâ substantiâ: *Saccharo nutrit*, rosis refrigerat & glutinat. Idem sentientes Medici omnes hoc medicamenti genus in phisicis summo perè commendarunt. Riverius (k) novit Pharmacopœum quemdam phisicum qui ingentem sacchari rosacei quantitatem sibi ipse præparabat, idque perpetuo comedeat; & hoc solo remedio sanatus est. Pharmaceuticæ compositiones maximè officinales quæ cum duplo sacchari, ut plurimum, consciuntur, syrupi, conservæ, tabellæ &c. nos evincunt Medicos omnium ætatum nusquam fuisse saccharo infensos. Nemo fuit usque in hodiernum diem qui saccharo condita seu alimentia sive medicamenta rectè improbaret. Quin imò iure & meritò salubria prædicantur (l). Hæc scripsit celeberrimus Geoffroi (m): saccharum cum cibis moderatè sumptum satis *laudabile nutrimentum* subministrat. In saccharo sicut in cæteris edulibus vegetabilibus acidum oleosus & terreis particulis ita implicatur & irretitur, ut *spidum salutareque alimentum* & condimentum præbeat gratissimum. Ut prius igitur analogiâ, chemiâ, botanice, ratione & experientiâ sic ex autoritate nunc concludere prorsum est.

(i) Cap. de phrisi lib. 1.

(k) Vid. cap. de phrisi.

(l) Vid. quest. Med. Par. Præf. M. Joanne le Thicullier, *An alimenta saccharo condita salubria*. aff.

(m) Mat. Med. tom. 1. cap. de saccharo p. 746. &c. 749.

*Ergo Saccharum Alimentum. **

* Neque timeant calcs aut lixivii alkali, quæ saccharo coctionis tempore admiscuntur, tertæ argillacæ aliquid admixtum remanere, ipsique nocivas inducere qualitates. Nihil horum in saccharo probè purgato deprehenditur. Neque magis reformidandum est fal acidum in saccharo contentum, illud namque omnino convenit naturâ & doctibus cum spiritu acido frumenti, hordei, mellis, aliorumque corporum nutritivorum. Quodque ut in illis sic in saccharo ita cæteris principiis implicatur & irretitur, ut absque ignis actione, aut diutius protracto fermentationis motu nulla sui præbeat indicia. Saccharum itaque probatoris experimentis exploratum nullas aut acidi, aut alkali, aut calcs vivæ terræ argillacæ notas præbet. Si solutionis sacchari immisceatur alkalinus liquor, nullus exinde oritur

effervescentiæ motus, nullumque aliud adparet phænomenon. Sic pariter spiritus vitrioli in sacchari frustulum cadens, aut ejus dissolutioni admixtus, nullum excitat effervescentiæ motum, neque liquori ullum inducit mutationem: quæ pluries cum eventus semper eodem expertus sum. Nec mirum: syrupus violaceus cum duplo sacchari consicitur, nec mutatur violarum color; quinimò hunc syrupum adhærent chemici ad explorandam acidam alkalinamve liquoris cujuslibet indolem: nec fallunt expectata phænomena. Dubitas: Saccharo conditum fructus acidi, tum spicula acida fructuum, alkalinæ partes (si adessent in saccharo) notâ lege affinitatis invitarent ad sui connubiū, unde emergerent salia neutra ingrati saporis: potè nihil horum deprehenditur in fructibus saccharo conditis.

Proponebat Parisiis JOANNES-BAPTISTA JUMELIN, Constantiensis;
Saluberrimæ Facultatis Medicinæ Parisiensis Baccalaureus,
A. R. S. H. 1773, à sextâ ad meridiem.

Typis QUILLAU, Universitatis & Facultatis Medicinæ Typographi.